

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 4. stav (3) i člana 5. Zakona o novčanim podrškama u primarnoj poljoprivrednoj proizvodnji i prehrambeno-prerađivačkoj proizvodnji („Službene novine HNK“, broj: 2/13) i člana 32. Zakona o izvršenju Budžeta HNK za 2019. godinu („Službene novine HNK“, broj: 11/18), na prijedlog Ministarstva poljoprivrede, šumarstva i vodoprivrede, Vlada Hercegovačko-neretvanskog kantona je na 101. sjednici, održanoj 27.3.2019. godine, donijela

**P R O G R A M**  
**UTROŠKA NOVČANIH SREDSTAVA**  
**ZA NOVČANE PODRŠKE U PRIMARNOJ POLJOPRIVREDNOJ PROIZVODNJI**  
**I PREHRAMBENO-PRERAĐIVAČKOJ PROIZVODNJI**  
**S KRITERIJIMA RASPODJELE SREDSTAVA „POTICAJ ZA POLJOPRIVREDU“**  
**UTVRĐENIH BUDŽETOM HNK ZA 2019. GODINU**  
**MINISTARSTVU POLJOPRIVREDE, ŠUMARSTVA I VODOPRIVREDE**

POGLAVLJE I. OPĆE ODREDBE

**I**

(Svrha Programa)

Svrha Programa je oživjeti i unaprijediti poljoprivrednu proizvodnju na području Hercegovačko-neretvanskog kantona kroz različite vrste podrški, kako bi se poljoprivredna proizvodnja učinila što konkurentnijom na tržištu. Cilj donošenja ovog Programa je podizanje nivoa proizvodnje na nivo samoodrživosti, povećanje kapaciteta poljoprivredne proizvodnje, zadržavanje stanovništva u ruralnim područjima i razvoj poljoprivrede koja je od značaja za turizam i ekologiju.

**II**

(Izvor i visina sredstava)

Sredstva za realizaciju Programa osigurana su u Budžetu HNK za 2019. godinu na poziciji „Poticaji u poljoprivredi“, organizaciona jedinica 37010006, ekonomski kod 614 400, u iznosu od 1.320.000,00 KM (slovima: jedanmilijontristodvadesethiljada KM).

POGLAVLJE II. KORISNICI I NAČIN REALIZACIJE NOVČANIH PODRŠKI

**III**

(Korisnici)

Novčana sredstva za podrške realizovat će se pravnim osobama, obrtnicima i fizičkim osobama s područja Hercegovačko-neretvanskog kantona, prema općim i posebnim kriterijima.

**IV**

(Opći kriteriji)

Pravo na podršku ima pravna osoba, obrtnik i fizička osoba (u daljnjem tekstu: klijent), koji ispunjava sljedeće opće uslove:

- a) ima sjedište, odnosno prebivalište na području Hercegovačko-neretvanskog kantona;
- b) ostvaruje primarnu poljoprivrednu proizvodnju na području HNK;
- c) upisan u Registar poljoprivrednih gazdinstava (RPG), odnosno Registar klijenata (RK);